



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SISWATI LULWIMI LWASEKHAYA (HL)

LIPHEPHA LESITSATFU (P3)

INKHWEKHWETI/INHLABA 2024

TICONDZISO TEKUMAKA

EMAMAKI: 100

Leticondziso tekumaka tinemakhasi la-11.

SIGABA A: INDZABA**UMBUTO 1: KUBHALWA KWENDZABA (340–390 emagama) (50 emamaki)**

CAPHELA: Kuyo yonkhe imibhalo cikelela linani lemagama lelimisiwe. Indzaba lephatselene nesitfombe ayinikwe sihloko.

1.1 *Lusuku lolwangenta nami ngativa ngibalulekile.*

LOKUBALULEKILE:

- Umhlolwa kulindzeleke kutsi abhale ngelusuku lolwamenta wativa naye abalulekile.
- Umhlolwa kulindzeleke kutsi anike tizatfu letamenta wativa anglobalulekile.
- Umhlolwa angativeta ahlabene emncintiswaneni lotsite, njll.
- Indzaba kungenteka ilandzise/ichaze/ivete limuva lembhali.

Akucikelelwe loku lokulandzelako:

- Kusetjentiswa irejista lefanele.
- Kucikelela kusetjentiswa kwelulwimi ngalokujulile.

[50]

1.2 *Sifundza lengilangatelela kuhlala ngisivakashela.*

LOKUBALULEKILE:

- Umhlolwa kulindzeleke kutsi abhale ngesifundza lalangatelela kuhlala asivakashela.
- Kubhala ligama lalesifundza.
- Umhlolwa angaveta sikhatsi langahamba ngaso netizatfu letimenta afise kusivakashela lesifundza, njll.
- Indzaba kungenteka ichaze/ilandzise/ivete limuva lembhali.

Akucikelelwe loku lokulandzelako:

- Kusetjentiswa irejista lefanele.
- Kucikelela kusetjentiswa kwelulwimi ngalokujulile.

[50]

1.3 *Kwacala kungumdlalo nje kepha lamuhla...*

LOKUBALULEKILE:

- Umhlolwa kulindzeleke kutsi abhale ngaloko lokwacala kungumdlalo kwagcina sekuyimphumelelo lamuhla.
- Yini labeyenta lesezigucuke yaba likusasa lakhe.
- Lokungenteka kwekutsi bekungumdlalo, bungani, njll.
- Indzaba kungenteka ivete limuva lembhali/ilandzise/ichaze.

Akucikelelwe loku lokulandzelako:

- Kusetjentiswa irejista lefanele.
- Kucikelela kusetjentiswa lulwimi ngalokujulile.

[50]

1.4 *Bugebengu lesinabo kulelive.***LOKUBALULEKILE:**

- Umhlolwa kulindzeleke kutsi abhale ngembangela yebugebengu lesebugcwele eveni.
- Umhlolwa kulindzeleke kutsi avete timbangela tebugebengu letingaba kweswelakala kwematfuba emsebenti, kungacedzi sikolo, inkhohlakalo, njll.
- Indzaba kungenteka ibe nhlangothimbili/hlangothilunye/ichaze/ilandzise.

Akucikelelwe loku lokulandzelako:

- Kusetjentiswa irejista lefanele.
- Kucikelela kusetjentiswa kwelulwimi ngalokujulile.

[50]

1.5 Kuhlaliswa kwalabadzala etindzaweni talasebakhule kakhulu.

LOKUBALULEKILE:

- Umhlolwa kulindzeleke kutsi abhale ngemaphuzu langaveta bubi nebuhle bekuyisa bantfu labadzala etindzaweni lapho bagcinwa khona uma sebakhulile.
- Kuveta tizatfu tekubayisa kuletindzawo talasebakhule kakhulu.
- Indzaba kungenteka ibe nhlangothimbili/hlangothilunye/ichaze/ilandzise.

Akucikelelwe loku lokulandzelako:

- Kusetjentiswa irejista lefanele.
- Kucikelela kusetjentiswa lulwimi ngalokujulile.

[50]1.6–
1.8 Tonkhe tindzaba letiphatselene netitfombe tingatsatsa nobe nguluphi luhlobo lwenzaba: Indzaba lelandzisako, lechazako, lehlangothilunye, lenhlangothimbili naleveta limuva lembhali.**Sib.**

1.6 Umhlolwa angabhala ngetikhukhula/ umonakalo lowabangwa tikhukhula, njll.

1.7 Luhlobo lwemphilo/ kuhlangothimbi/ luhlobo lwesayensi, njll.

1.8 Umbhikisho walamalanga/ imibhikisho emimangweni, njll.

LOKUBALULEKILE:

- Umhlolwa kulindzeleke kutsi avete emaphuzu lavakalako lahambelana nesitfombe, angagudluki kuso.

[50]**CAPHELA: KWABIWA KWEMAMAKI: (BONA IRUBHRIKI)****SAMBA SESIGABA A:****50***PS/SR/JM*

SIGABA B: EMATHEKSTHI EMIBHALOMBIKO**UMBUTO 2: IMIBHALOMBIKO (100–120 emagama itheksthi ngayinye)
(50 emamaki)****2.1 INCWADZI YEMTSETFO****SAKHIWO:****Incwadzi yemtsetfo ayifake loku lokulandzelako:**

- Singeniso, umtimba nesiphetho.
- Emakheli aba mabili langakafakwa timphawu tekufundza nekubhala. (Lalohlolwako liba sesandleni sekudla, lalobhalelwako libe sesandleni sesancele, ehluhaniswe ngumugca emkhatsini wawo.)
- Likheli lesibili lifakwa sikhundla salobhalelwako. (Sib. **Mphatsilibhange**)
- Kweciwa umugca ngembikwesibingelelo.
- Sibingelelo sencwadzi. (Sibingelelo kufanele sivete bulili balobhalelwako. Sib. Mnumzane/ Nkhosatana)
- Kweciwa umugca ngemva kwekubingelela.
- Sihloko sendzaba lekutawukhulunywa ngaso.
- Kweciwa umugca emva kwesihloko.
- Singeniso lesetfula loku lokutawucocwa ngako ngelulwimi loluhlelekile.
- Kweciwa umugca emva kwaleyo naleyo ndzima.
- Tindzima letinemicondvo lebungene.
- Kweciwa umugca ngembikwesiphetho.
- Siphetho lesisonga loku lobekucocwa ngako emtimbeni wencwadzi.
- Kweciwa umugca ngembikwekuvalelisa.
- Kuvalelisa lokutitfobako lokuhambelana nesibingelelo. (Sib. Ngimi lotitfobako)
- Kubhalwa ligama nesibongo.

LOKUBALULEKILE:

- Kusetjentiswa irejista lefanele.
- Kucikelelwa kusetjentiswa kwelulwimi ngalokujulile.
- Incwadzi yemhlolwa ayicele kwelekelelwa libhange ngetimali letitawutfufukisa **lephrojekthi**.

CAPHELA: Kwabiwa kwemamaki: (Bona irubhriki)**[25]****2.2 I-ATHIKILI YELIPHEPHABHUKU****SAKHIWO**

- I-Athikili yeliphephabhuku ayifake loku lokulandzelako:
- Singeniso, umtimba nesiphetho.
- Sihloko se-athikili (Kufundzisa lusha nebantfu labadzala kugcoka bahlonipheke.)

- Lusuku lekubhalwe ngalo le-athikili.
- Ligama lemholi wesigodzi.
- Ligama leliphaphabuku leya kulo.
- Lokucuketfwe. (Kufundzisa bantfu ngetindlela tekugcoka.)
- Kubhalwa ngetinzima nobe ngemaphuzu/ngemakholomu.
- Kusetjentiswa kwemafonti lahlukahlukene.
- Tincomo.

LOKUBALULEKILE:

- Kusetjentiswa lulwimi loluhlelekile.
- Kusetjentiswa irejista lefanele.
- Kucikelela kusetjentiswa kwelulwimi ngalokujulile.
- Caphela kutsi i-athikili iphatselene nekufundzisa bantfu ngetindlela tekugcoka.

CAPHELA: Kwabiwa kwemamaki: (Bona irubhriki)

[25]

2.3

INKHULUMO

LOKUCUKETFWE:

Inkhulumo ayiphatselane neteluleko temigomo nemibandzela yekusebentisa kahle kwemathebulethi. (Bongcondvomshini labancane labaphatfwa ngetandla.)

SAKHIWO:

- Inesingeniso, umtimba nesiphetfo.
- Sihloko senkhulumo. (Sib. Inkhulumo lephatselene nekuphatfwa kahle kanye nekusetjentiswa kwemathebulethi.)
- Kubingelela sihlalo netetsamelilwati.
- Singeniso lesetfula loko lokutawukhulunywa ngako.
- Tinzima tenkhulumo letinemaphuzu labumbene.
- Siphetfo senkhulumo lapho kusongwa khona onkhe emaphuzu letfulwa enkhulumeni.
- Kubonga sihlalo netetsamelilwati.

LOKUBALULEKILE:

- Kusetjentiswa irejista lefanele.
- Kucikelela kusetjentiswa kwelulwimi ngalokujulile.
- Linani lemagama lalindzelekile licikelelwe.

CAPHELA: Kwabiwa kwemamaki: (Bona irubhriki.)

[25]

2.4 UMBIKO LOHLELEKILE

SAKHIWO:

Umbiko ufaka loku lokulandzelako:

- Singeniso
- Umtimba
- Siphetfo

IMININGWANE LELINDZELEKILE:

- Ligama lalobhalelwa lombiko
- Ligama lalobhale lombiko
- Lusuku lobhalwe ngalo
- Sihloko
- Umongo wembiko
- Lokucuketfwe ngulombiko
- Indlela yekutfo la lwati
- Lokutfolakele
- Tincomo/Tiphakamiso
- Siphetfo
- Emavi ekubonga

- **LOKUBALULEKILE:**

- Kusetjentiswa irejista lefanele.
- Kucikelelwa kusetjentiswa kwelulwimi ngalokujulile.
- Umbiko awuphatselane nekunyamalala kwebantfu labebavakashele endzaweni yekutijabulisa.

CAPHELA: Kwabiwa kwemamaki: (Bona irubhriki)

[25]

2.5 INCWADZI YEBUHLOBO

SAKHIWO:

Incwadzi yebuhlobo ayifake loku lokulandzelako:

- Singeniso, umtimba nesiphetfo
- Likheli linye leliphelile lelingakafakwa timphawu tekufundza nekubhala lelisesandleni sekudla.
- Kweciwa umugca embikwesibingelelo.
- Sibingelelo sencwadzi. (Sibingelelo kufanele sivete buhlobo lobukhona emkhatsini walobhalako nalobhalelwako. Sib. Mngani/Thembela)
- Kweciwa umugca ngembikwesingeniso.
- Singeniso lesetfula loku lokutawucocwa ngako
- Kweciwa umugca emva kwaleyo naleyo ndzima.
- Tindzima letinemicondvo lebumbene
- Kweciwa umugca ngembikwesiphetfo.

- Siphetfo lesisonga loko lobekucocwa ngako emtimbeni wencwadzi.
- Kweciwa umugca ngembikwekuvalelisa.
- Kuvalelisa lokuhambelana nesibingelelo. (Sivaleliso kufanele sivete buhlobo lobukhona emkhatsini walobhalako nalobhalelwako. Sib. Ngimi umngani wakho)
- Sibongo asifakwa.

LOKUBALULEKILE:

- Kusetjentiswa irejista lefanele.
- Kucikelelwa kusetjentiswa kwelulwimi ngalokujulile.
- Incwadzi ayivete kuvelana nemngani loshonelwe ngumalume wakhe.

CAPHELA: Kwabiwa kwemamaki: (Bona irubhriki)**[25]**

2.6

INKHULUMISWANO**SAKHIWO:****Inkhulumiswano ayifake loku lokulandzelako:**

- Singeniso
- Umtimba
- Siphetfo
- **Akube nesendlalelo lesifaka ekhatsi indzawo lapho kwenteka khona inkhulumiswano kanye nekutsi kukhulunywa ngani.**
- Luhlaka. (Emagama alabakhulumako abhalwa ngasesandleni sesancele bese kufakwa ikholoni, bokhulunyiwe abafakwa. Lokwentekako kubhalwa kubakaki.)
- Kusetjentiswa inkhulumongco.

LOKUBALULEKILE:

- Kusetjentiswa irejista lefanele
- Kucikelelwa kusetjentiswa kwelulwimi ngalokujulile
- Akube ngumhlolwa nemtali wakhe.
- Akukhulunywe ngendzaba yemali lesetjentiswe kabi ngumnakabo angatsengi tidzingo letifanele.

CAPHELA: Kwabiwa kwemamaki: (Bona irubhriki)**[25]**

SAMBA SESIGABA B: 50
SAMBA SAKO KONKHE: 100

CAPHELA:

- Sebentisa irubhriki njalo nawumaka indzaba (Liphepha le-3, SIGABA A).
- Emamaki lasukela ku-0–50 ehlukaniwe ngemazinga lasihlanu-(5) etinchazelo temakhono, (Emalengiso, Licophelo lelisetulu, Lokwenetisako, Lokusilele naLokungaphumelelisi).
- Kuletimphawu taLokucuketfwe, Lulwimi neSitayela, letinchazelo temakhono letisihlanu tehlukaniwe ngekwelizinga lelisetulu ngalokubabatekako nelizinga lelisetulu ngalokungababateki, ngekweluhluka kwemamaki netinchazelo temakhono.
- Sakhiwo sona asitsintseki ngalokwehlukaniwa kwelizinga lelisetulu ngalokubabatekako nelinelizinga lelisetulu ngalokungababateki.

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI]

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFFE NEKUHLELA (Imphendvulo nemibono) Kuhleleka kwemibono nakulungiselelwa kubhala Kucikelelwa kwenhloso, tetsamelilwati nesimongcondvo 30 EMAMAKI	Lizinga lelisetulu ngalokubabatekako	28–30	22–24	16–18	10–12	4–6
		-Imphendvulo lengemalengiso lababateka ngetulu kwalokulindzelekile -Imibono ivutsiwe, inekuhlakanipha, lokukhombisa kucabanga lokujulile. -Kuhleleka kungemalengiso lababatekako, kubumbene nesingeniso, umtimba kanye nesiphetho.	-Imphendvulo lesecophelweni lelisetulu ngalokubabatekako. -Imibono ivutsiwe, iyahahe ihambisana nesihloko ngalokuphelele. -Kuhleleka kusecophelweni lelisetulu kakhulu, lokubumbene nesingeniso, umtimba nesiphetho.	-Imphendvulo leyenetisako -Imibono ibumbene futsi ikholweka ngalokwenetisako. -Kuhleleka kubumbene nesingeniso, umtimba nesiphetho ngalokwenetisako.	-Imphendvulo lengakabumbani -Imibono ayikacaci kantsi futsi akusiyo yekuticambela . -Buncane bufakazi bekuhleleka nekubumbana.	-Yonkhe imphendvulo iyanhlanhlatsa. -Imibono ihlangahlangene futsi iyadidana, ayikacondzi ngco. -Kunekuphindzaphindza lokungevakali. -Akukho kuhleleka nekubumbana.
	Lizinga lelisetulu ngalokungababateki	25–27	19–21	13–15	7–9	0–3
		-Imphendvulo lengemalengiso kodvwa ingenato timphawu tekubabateka. -Imibono ivutsiwe futsi ihlakaniphile. -Kuhleleka lokungemalengiso, kubumbene nesingeniso, umtimba nesiphetho.	-Imphendvulo lesecophelweni lelisetulu. -Imibono iyahahe, ihambisana nesihloko. -Kuhleleka lokusecophelweni lelisetulu lokubumbene nesingeniso, umtimba nesiphetho.	-Imphendvulo leyenetisako kodvwa kukhona lokungevakali kahle. -Imibono ibumbene, iyakholweka. -Kukhona kuhleleka lokutsite kanye nekubumbana nesingeniso, umtimba nesiphetho.	-Imphendvulo legcwele kunhlanhlatsa. -Imibono ayihlangani, iyadidana. -Abukho bufakazi bekuhleleka nekubumbana.	-Awukho namncane umzamo wekuphendvula ngesihloko. -Yonkhe imphendvulo iyanhlanhlatsa, ayemukeleki. -Akuvakali, kuhlanguhlangene.

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI] (iyachubeka)

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
LULWIMI, SITAYELA NEKUHLUNGWA KWEMAPHUTSA Kuhambelana kwemoya irejista, sitayela, silulumagama nenhloso nesimongcondvo Kusetjentiswa kwelulwimi, timphawu tekufundza nekubhala, luhlelo, sipelengi (lupelomagama) 15 EMAMAKI	Lizinga lelisetulu ngalokubabatekako	14–15 -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngemalengiso lababatekako. -Lulwimi lolunekutetsemba lolugculisako nalolunemba ngemalengiso lababatekako. -Emasu ebugagu belulwimi asetjentiswe ngemphumelelo lenkhulu kuveta umoya nekuheha kwemphendvulo. -Esikhatsini lesinyenti kakhulu emaphutsa eluhlelo nesipelengi kute -Kunekuticambela lokungemalengiso lasetulu kakhulu.	11–12 -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngelicophelo lelisetulu. -Lulwimi lusecophelweni lelisetulu kantsi nemoya uyemukeleka emphendvulweni yonkhe. -Emaphutsa eluhlelo nesipelengi akasimanyenti. -Kuticambela lokusecophelweni lelisetulu.	8–9 -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngalokwenetisako. -Lulwimi lusetjentiswe ngalokwenetisako kwetfula lokushiwo embhalweni. -Umoya uyenetisa. -Emasu ebugagu belulwimi asetjentisiwe kunotsisa lokucuketfwe.	5–6 -Umoya, irejista, sitayela nesilulumagama akuhambelani nenhloso, tetsamelilwati nesimongcondvo. -Kusetjentiswa kwelulwimi kusacatfuta. -Umoya nekukhetseka kwemagama akwemukeleki. -Silulumagama sincane kakhulu.	0–3 -Lulwimi aluvakali -Umoya, irejista, sitayela nesilulumagama akuhambelani nakancane nenhloso, tetsamelilwati nesimongcondvo. -Silulumagama sincane ngendlela yekutsi lokubhaliwe akungalandzeleki.
		Lizinga lelisetulu ngalokungababateki	13 -Lulwimi lusetjentiswe ngemalengiso nangalokuveta umoya lokhutsatako ngemphumelelo. -Esikhatsini lesinyenti emaphutsa eluhlelo nesipelengi awakho. -Kuticambela kungemalengiso.	10 -Lulwimi lusetjentiswe ngemphumelelo lesecopheweni lelisetulu. -Umoya uyemukeleka futsi uneligalelo lelemukelekile. -Emaphutsa eluhlelo nesipelengi ambalwa. -Icambeke kahle.	7 -Lulwimi lusetjentiswe ngalokwenetisako kodvwa ngalokungafani embhalweni wonkhe. -Imvamisa umoya wemukelekile, emasu ebugagu belulwimi asetjentiswe kancane.	4 -Lulwimi lusetjentiswe ngalokungenetisi. -Kusetjentiswa kwetinhlobo letehlukene temisho kuncane/kute. -Silulumagama sincane kakhulu.

PS/SR/JM

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI] (iyachubeka)

Timphawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
SAKHIWO	5	4	3	2	0–1
Timphawu tetheksthi. Kutfufukiswa kwetindzima nekwakhiwa kwemisho.	-Sihloko sitfufukiswe ngemalengiso. -Imininingwane yetfulwe ngemalengiso. -Imisho, netindzima kwakheke ngemalengiso lababatekako.	-Imininingwane itfufukiswe ngalokuhlekile. -Kunekubumbana. -Imisho, netindzima kuhlekile futsi kutinhlobonhlobo.	-Imininingwane ihambisana nesihloko. -Imisho netindzima kwakheke kahle. Indzaba iyevakala.	-Lamanye emaphuzu emukelekile. -Imisho netindzima kunemaphutsa. -Indzaba iyevakala noko.	-Emaphuzu ladzingekile asilele. -Imisho netindzima kunemaphutsa. -Indzaba ayinamcondvo.
5 EMAMAKI					

PS/SR/J

SIGABA B: EMATHEKSTHI EMIBHALOMBIKO (25)

IRUBHRIKI YEKUHLOLA ITHEKSTHI YEMIBHALOMBIKO WELULWIMI LWASEKHAYA (LIPHEPHA LE-3, SIGABA B (25 EMAMAKI))

Timphawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
<p>LOKUCUKETFWE, KUHLELA NESAKHIWO</p> <p>Imphendvulo nemibono Kuhleleka kwemibono nakulungiselelwa kubhala Inhloso, tetsamelilwati, timphawu/timiso, nesimongcondvo.</p> <p>15 EMAMAKI</p>	<p>13–15</p> <p>-Imphendvulo lengemalengiso lababatekako. -Imibono ivutsiwe, inekuhlakanipha lokukhombisa kucabanga lokujulile. -Lwati lolungemalengiso lwetimpawu teluhlobo lwetheksthi lebhawako. -Umbhalo ucondze ngco. -Lokucuketfwe kunemibono lebungene ngemalengiso. -Yonkhe imininingwane icaciswe ngemalengiso kantsi futsi yesekela sihloko. -Sakhiwo lesifanele lesingemalengiso nalesingenamaphutsa.</p>	<p>10–12</p> <p>-Imphendvulo lesecophelweni lelisetulu lekhombisa lwati lolusecophelweni lelisetulu lweluhlobo lwetheksthi lebhawako. -Umbhalo ucondze ngco – awutsemeleti. -Lokucuketfwe kunemibono lebungene ngelicophelo lelisetulu. -Imininingwane yetfulwe ngelicophelo lelisetulu kantsi yonkhe yesekela sihloko. -Sakhiwo lesemukelekako lesinemaphutsa langasho lutfo.</p>	<p>7–9</p> <p>-Imphendvulo leyenetisako, lekhombisa lwati lweluhlobo lwetheksthi lebhawako. -Umbhalo awukacondzi ngco ngalokuphelele, unekutsemeleta lokutsite. -Emaphuzu alokucuketfwe abumbene ngalokwenetisako. -Leminye imininingwane iyasesekela sihloko. -Sakhiwo siyenetisa kodvwa sinemaphutsa latsite.</p>	<p>4–6</p> <p>-Imphendvulo lecafutako lekhombisa lwati loluncane lweluhlobo lwetheksthi lebhawako. -Umbhalo unekutsemeleta lokunyenti. -Kubumbana kwemaphuzu alokucuketfwe kuncane kakhulu. -Imbalwa imininingwane leyesekela sihloko. -Imitsetfo netimiso letibalulekile tesakhiwo setheksthi atikalanzelwa ngalokufanele. -Kunyenti lokubalulekile lokusilele.</p>	<p>0–3</p> <p>-Imphendvulo ayikhombisi nakancane kuba nelwati lwetimpawu teluhlobo lwetheksthi lebhawako. -Inshokutsi iyanhlanhlatsa igcwele kutsemeleta lokunyenti. -Emaphuzu alokucuketfwe akakabumbani nakancane. -Imbalwa kakhulu imininingwane leyesekela sihloko. -Imitsetfo netimiso tesakhiwo setheksthi letibalulekile atikalanzelwa nakancane.</p>
<p>LULWIMI, SITAYELA NEKUHLUNGWA KWEMAPHUTSA</p> <p>Umoya, irejista, sitayela, inhloso, tetsamelilwati nesimongcondvo Timiso nekusetjentiswa kwelulwimi Kukhetseka kwemagama Timphawu tekufundza nekubhala nesipelingi</p> <p>10 EMAMAKI</p>	<p>9–10</p> <p>-Umoya, irejista, sitayela nesilulumagama kuhambelana ngemalengiso nenhloso, tetsamelilwati nesimongcondvo. -Luhlelo alunamaphutsa kantsi futsi icambeke kahle. -Esikhatsini lesinyenti akunamaphutsa.</p>	<p>7–8</p> <p>-Umoya, irejista, sitayela nesilulumagama kuhambelana nenhloso tetsamelilwati nesimongcondvo. ngelicophelo lelisetulu. -Luhlelo luvame kungabi nemaphutsa kantsi futsi umbhalo ucambeke ngelicophelo lelisetulu. -Silulumagama sisecophelweni lelisetulu. -Emaphutsa ambalwa kakhulu.</p>	<p>5–6</p> <p>-Umoya, irejista, sitayela nesilulumagama kuhambelana nenhloso tetsamelilwati nesimongcondvo ngalokwenetisako. -Kunemaphutsa latsite eluhlelo. -Silulumagama lesenetisako. -Emaphutsa akayiphazamisi inshokutsi.</p>	<p>3–4</p> <p>-Umoya, irejista, sitayela nesilulumagama akuhambelani kahle nenhloso tetsamelilwati nesimongcondvo. -Kunemaphutsa lamanyenti eluhlelo. -Silulumagama sincane kakhulu. -Inshokutsi iyaphazamiseka.</p>	<p>0–2</p> <p>-Umoya, irejista, sitayela nesilulumagama akuhambelani nakancane nenhloso tetsamelilwati nesimongcondvo. -Kugcwele emaphutsa lamanyenti ladidanako. -Silulumagama asihambisani nakancane nenhloso. -Inshokutsi ihlangahlangene kakhulu.</p>